



Arabako kalkulu Gunea, A.B.  
Centro de Cálculo de Álava, S.A.

## **OINARRI ESPEZIFIKOAK, ARABAKO KALKULUGUNEA SA FORU SOZIE TATE PUBLIKOAN ANALISTA FUNTZIONAL LANPOSTU BAT BETETZEKO LANGILE LAN KONTRATUDUNEN HAUTAKETA ARAUTZEN DUTENAK**

**(deialdiaren kodea: 2022004)**

### **LEHENENGO OINARRIA.- LANPOSTUAREN OINARRIZKO EGINKIZUNAK:**

Informazio Sistemaren Alorrean integratuko da, proiektuaren burutzaren eta, aldi berean, alorreko arduradunaren mendekoan.

- Erabiltzaileen beharrak aztertzea
- Aplikazioaren edo sistemaren zati bakoitza diseinatzea edo parametrizatzea teknologiaren arabera. Datu eredutik erabiltzaile interfazera.
- Aplikazioaren edo sistemaren alderdi guztiak dokumentatzea metodologiaren arabera.
- Garapenen funtzionamendua baliozkotzeko beharrezko probak zehaztea.
- Garapenak baliozkotzea eta onartzea.
- Ingurune desberdinetako ezarpena kudeatzea.

### **BIGARREN OINARRIA.- ESKAEREN AURKEZPENA:**

Izangaiek posta elektronikoko bidez bidali beharko dituzte oinarri orokorretako 3.1) atalean eskatzen diren agiriak, honako helbide honetara: [2022004@qualisconsultores.es](mailto:2022004@qualisconsultores.es)

Eskaerak aurkezteko epea **2022ko martxoaren 18an** amaituko da.





Arabako kalkulu Gunea, A.B.  
Centro de Cálculo de Álava, S.A.

## **HIRUGARREN OINARRIA.- ESKATUTAKO TITULAZIOA:**

- Informatikako edo Ingeniaritzako lizentzia, edo gradu baliokidea, unibertsitate ikasketetako “Ingeniaritza eta Arkitektura” edo “Zientziak” ezagutza adarretakoa.

## **LAUGARREN OINARRIA.- HAUTAKETA PROZESUAREN DISEINUA ETA PROBEN BALIOESPENA:**

### **1. FASEA: EZAGUTZA ESPEZIFIKOAK EBALUATZEA:**

Nahitaezkoa eta baztertze indarrekoa izango da **(GAI – EZ GAI)**.

- Teknologiak: Java/JavaScript analisiak, Angular.
- Metodologiak: SCRUM edo bizkor motako beste batzuk.

Zinpeko adierazpen bidez egiaztatzea goian adierazitako jakintza espezifikoak dituela.

Alegatutako merezimendu guztiak eskaerak aurkezteko epea amaitzen den egunean eduki beharko dira, eta lan kontratua formalizatzen den unera arte mantendu beharko dira.

### **2. FASEA: MEREZIMENDUEN BALORAZIOA (geh. 30 puntu):**

#### **A) Titulazioak (geh. 10 puntu):**

- Lizentzia Informatikan edo Ingeniaritzan, edo gradu baliokidea: 10 puntu.
- Beste lizentzia, ingeniaritza edo gradu batzuk, informatikarekin lotutako espezialitateetakoak: 5 puntu.
- Gainerako lizentziak, ingeniaritzak edo graduak: 0 puntu

#### **B) Hizkuntzak (geh. 4 puntu):**

##### **B.1) Hizkuntza: Euskara (geh. 2 puntu):**

- Titulu ofizialaren bidez egiaztatu beharko da.
- Ez da egingo hizkuntza eskakizuna egiaztatzeko azterketarik.
- Honela balioetsiko da:
  - B1: **0,5 puntu.**
  - B2: **puntu 1.**
  - C1: **1,5 puntu.**



Arabako kalkulu Gunea, A.B.  
Centro de Cálculo de Álava, S.A.

- C2: **2 puntu.**
- Titulu ofizial bi edo gehiago izanez gero, maila gorenekoa bakarrik balioetsiko da.

### B.2) Hizkuntza: Ingelesa (geh. 2 puntu):

- Titulu ofizialaren bidez egiaztatu beharko da.
- Ez da egingo hizkuntza eskakizuna egiaztatzeko azterketarik.
- Honela balioetsiko da:
  - B1: **0,5 puntu.**
  - B2: **puntu 1.**
  - C1: **1,5 puntu.**
  - C2: **2 puntu.**
- Titulu ofizial bi edo gehiago izanez gero, maila gorenekoa bakarrik balioetsiko da.

### C) Esperientzia (geh. 16 puntu):

- CV, curriculum memoria eta lan bizitzaren txosten eguneratua.

2 urtetik gorako esperientzia izatea lanpostuetan, baldin eta azken 4 urteetan lehenengo oinarrian deskribatutako eginkizunak bete baditu.	<ul style="list-style-type: none"><li>- Oso ondo betetzen du: <b>16 puntu.</b></li><li>- Nahiko ondo betetzen du: <b>12 puntu.</b></li><li>- Ondo betetzen du: <b>8 puntu.</b></li><li>- Ez du ondo betetzen eta hobetu beharreko alorren bat dauka: <b>4 puntu.</b></li><li>- Ez du ondo betetzen eta hobetu beharreko nahiko alor dauzka: <b>0 puntu.</b></li></ul>
Urtebete baino gehiagoko esperientzia lanpostuetan, baldin eta azken 4 urteetan lehenengo oinarrian deskribatutako eginkizunak bete baditu, sektore publikoko erakunderen batek zuzenean kontratatuta.	<ul style="list-style-type: none"><li>- Oso ondo betetzen du: <b>16 puntu.</b></li><li>- Nahiko ondo betetzen du: <b>12 puntu.</b></li><li>- Ondo betetzen du: <b>8 puntu.</b></li><li>- Ez du ondo betetzen eta hobetu beharreko alorren bat dauka: <b>4 puntu.</b></li><li>- Ez du ondo betetzen eta hobetu beharreko nahiko alor dauzka: <b>0 puntu.</b></li></ul>



Arabako kalkulu Gunea, A.B.  
Centro de Cálculo de Álava, S.A.

Alegatutako merezimendu guztiak eskaerak aurkezteko epea amaitzen den egunean eduki beharko dira, eta lan kontratua formalizatzen den unera arte mantendu beharko dira.

### **3. FASEA: LANPOSTUAREN PROFILERA EGOKITZEAREN INGURUKO ARIKETA PSIKOMETRIKOA**

- **Nahitaezkoa eta baztertze indarrekoa** izango da (**GAI – EZ GAI**).
- 2. faseko emaitza orokorrean puntuaziorik onenak lortu dituzten 4 pertsoneri eta 1. fasean gaitzat jo direnei egingo zaizkie probak.
- Izangaiek proba bat edo proba batzuk egin beharko dituzte lanpostuarekiko eta gauzatu beharreko eginkizunekiko egokitasuna balioesteko xedez.
- Qualis Consultores de Talento SLk txosten osatu bat igorriko du 4. faserako proposatutako izangai bakoitzaren inguruan.
- Gaitzat jotzen diren izangaiek aurrez aurreko elkarrizketa egin beharko dute AKSAn, hautaketa prozesu honetarako eratu den hautaketa epaimahaiko kideen aurrean.
- Inor EZ GAI gertatzekotan, probak egingo zaizkie hurrengo puntuazio onenak dituzten pertsoneri, eta hurrengo fasera (4.era) pasatuko dira gaitzat jo eta lau puntuazio onenak dituztenak.

### **4. FASEA: GAITASUN ELKARRIZKETA ETA ELKARRIZKETA TEKNIKOA (geh. 20 puntu)**

- **Nahitaezkoa.**
- 2. faseko emaitza orokorrean puntuaziorik onenak lortu dituzten 4 pertsoneri eta 3. fasean gaitzat jo direnei egingo zaie elkarrizketa pertsonala.
- Aipatutako elkarrizketa hautaketa epaimahaiko kideek egingo dute AKSA sozietatearen egoitzan, eta ardatz izango ditu lanpostuko gaitasun orokorrak, zeharkakoak eta teknikoak.
- Elkarrizketak bi zati ditu:
  - **Gaitasunena:** Elkarrizketa horretan honako gaitasun hauek balioetsiko dira: (geh. 15 puntu)
    - Komunikazio gaitasuna.
    - Errendimendu handiko talde lana.
    - Antolamendua eta emaitzetarako orientazio aurreratua
    - Autonomia eta ekimena.
    - Bezeroarentzako oinarritzko orientazioa.



Arabako kalkulu Gunea, A.B.  
Centro de Cálculo de Álava, S.A.

Fase honetako puntuazioa izango da eskala honen arabera aztertutako gaitasunetako bakoitzean lortutako puntuazioen batura:

- Gaitasunik ez: 0 puntu
  - Hobetu beharreko alorrak ditu argi eta garbi: 0,75 puntu
  - Gaitasuna garatzeko fasean: 1,5 puntu
  - Gaitasun maila aurreratua: 2,25 puntu
  - Gaitasun maila bikaina: 3 puntu.
- **Teknika arlokoa:** Ezaupideak: (geh. 5 puntu)
    - Teknologiai: Java/JavaScript analisiak, Angular.
    - Metodologiak: SCRUM edo bizkor motako beste batzuk.
- Elkarrizketa pertsonala amaitutakoan, akta jaso eta izenpetuko da, eta bertan, hautaketako epaimahaikide guztiek emandako puntuazioak agertuko dira.
  - Lau hautagaietako batek gutxienez 7,5 puntu lortzen ez baditu gaitasun zatia balioestean elkarrizketan, eta 2,5 puntu alderdi teknikoa balioestean elkarrizketan, hautaketa prozesutik kanpo geratuko da, eta gainerako pertsonak jarraituko dute.
  - Lau hautagaietako batek ere ez baditu lortzen gutxienez 7,5 puntu gaitasun zatia balioestean elkarrizketan, eta 2,5 puntu alderdi teknikoa balioestean elkarrizketan, laurak hautaketa prozesutik kanpo geratuko dira, eta hautaketa epaimahaik hurrengo hautagaiengana joko du.

#### **FASE BAKOITZEKO PUNTUAZIOEN LABURPENA:**

1. FASEA	2. FASEA	3. FASEA	4. FASEA	GUZTIRA
E/A	30	E/A	20	50

